



SUNS EUROPE - BANT 2017

CE ISAL SUNS EUROPE?

SUNS EUROPE al è un festival des arts intes lenghis minorizadis de Europe che si tignarà a Udin (Friûl - Stât talian) tra i 30 di Novembar e i 3 di Dicembar alì dal teatri "Giovanni da Udine". Il festival si divîl intes sezions: musiche, leterature/poesie, cine. A puedin partecipâ ducj i artiscj espression di comunitâts linguistichis minorizadis europeanis (cjapadis dentri tai confins fisics dal continent) cussì cemût che a son definidis dal articul 1 de Cjarte europeane des lenghis regjonâls o minoritariis*.

*ARTICUL 1 DE CJARTE EUROPEANE DES LENGHIS REGJONÂLS O MINORITARIIS

a) cun «lenghis regjonâls o minoritariis» si intindin lis lenghis dopradis storichementri sul teritori di un Stât dai citadins di chel stes Stât che a formin un grup plui piçul par numar rispiet al rest de popolazion statâl; e diviersis de(s) lenghe(is) uficiâl(s) dal Stât;
cheeste espression no cjape dentri lis varietâts de(s) lenghe(is) uficiâl(s) dal Stât e nancje lis lenghis dai migrants;
b) cun «teritori là che si dopre une lenghe regjonâl o minoritarie» si intint la aree gjeografiche là che cheste lenghe e je espression di un numar di personis che al justifice l'ûs di diviersis misuris di protezion e di promozion previodudis di cheste Cjarte;
c) cun «lenghis no teritoriâls» si intindin lis lenghis dopradis di un pôcs di citadins dal Stât che a son diferentis de(s) lenghe(is) doprade(is) dal rest de popolazion statâl ma che, cundut che storichementri a son dopradis sul teritori dal Stât, no si pues leâlis a di une aree gjeografiche specifiche di chest ultin.

CEMÛT PARTECIPÂ

Par partecipâ si à di compilâ il modul disponibil in rêl dentri dai 10 di Avost dal 2017. Il modul si lu cjate sul sît internet dal festival alì de direzion call.sunseurope.com

Cun di plui, pe musiche, al covente cjariâ i materiâi seguitîfs:

- curriculum;
- toc musicâl in formât mp3;
- test in lenghe originâl e traduzion par inglês;

Lis sezions dedicadis ae leterature e al cine no son calcoladis ta chest bant, dal moment che i artiscj che a jentrin ta chestis categoriis a saran sielzûts dal comitât artistic di SUNS EUROPE.

Chel istès a saran tignudis in bon cont ancje lis propuestis artistichis mandadis ae direzion info@sunseurope.com dentri de scjadince dade chi disore.

SELEZION

I artiscj selezionâts a saran invidâts a partecipâ ae fase finâl dal festival. Lis spesis di viaç e di alozament a son a caric de organizazion.

La organizazion di SUNS EUROPE, in colaborazion cui artiscj che a vuelin partecipâ, si ten in bon di contatâ lis istituzions di riferiment di ogni comunitât minorizade cun chês di otignî un jutori economic pes spesis di viaç dai diviers artiscj.

CARATERISTICHIS DAI ELABORÂTS

Si acetin dome **composizioni originâls** e che a son disleadis dal repertori tradizionâl des comunitâts di divignince.

CE SI VINCIÂL?

Tra dutis lis cjançons rivadis a saran sielzûts tra i 6 e i 8 finaliscj che a saran invidâts a sunâ il lôr toc dal vîf ai **2 di Dicembar dal 2017** alì dal teatri “Giovanni da Udine” a Udin (Friûl - Stât talian).

VARIAZIONI

Tal câs che si vedi di mudâ il lûc o la date de manifestazion, ducj i artiscj selezionâts a saran visâts par timp de organizazion. Un tant si lu fasarà ancje tal câs di une cualsisedi altre variazion significative.

CONTATS

Par contats baste scrivi ae direzion di pueste eletroniche info@sunseurope.com